

TA'IALA PALOTA MO TAGĀTANU'U HAWAII I KALEFONIA MA TAGATA O ATUMOTU PASEFIKA

FA'AFEFEA ONA PALOTA

O lo'o tatou soifua nei i totonu o se fa'ama'i e aofia ai le keloape atoa; ua femēmēa'i ai lotoifale o Tagātānu'u Hawaii ma Tagata o Atumotu Pasefika. Ua fa'ateteleina e le vairusi o le korona faiga lē tutusa i totonu o galuega, soifua malolōina, o fale nonofo ma a'oga ona o tulaga lē saogalemu i galuega e o'o atu lava i le faigata ona maua fesoasoani i le tausiga tau soifua malolōina ma le fa'amata'u o le tutuli ese ma fale nonofo. I le palotaga lena, ua lamatia o tatou aiā tatau ma o tatou ola. E tutusa uma mea tatou te manana'o ai: o se aiga mautū ma ia malolosi ma malolōina o tatou 'auaiga, ia maua a'oa'oga aupito sili mo a tatou fanau ma fanau a tatou fanau, ma ia mafai ona tausi ē pele ia i tatou. O Tagātānu'u Hawaii ma Tagata o Atumotu Pasefika, fa'atasi ma Tagata Ūli, Latino, Tagata o le Laueleele, Tagata Asia ma tagata faigaluega o vaipanoa o lo'o mafatia ae fa'ateteleina le mau'oa o nisi pilionea e to'alima i le atunu'u, o ē na mauaina le ta'i \$76 piliona i totonu o masina e lua i le amataga o le fa'ama'i. Ina ia mafai ona tatou ēa a'e mai lena fa'afitauli ma toe fau le tatou setete, e tatau ona tatou ō uma e palota mo le ituaiga lumana'i tatou te manana'o i ai. Tatou te malolosi, pe a tatou tutū fa'atasi.

- 1 RESITALA.** Resitala e te palota i luga o le initaneti ae le'i te'a Oketopa 19! E tutusa le aso e resitala ai tagata palota o Kalefonia, ae tatau ona e susū i ai. E mafai ona e siakiina lou resitala palota ma e resitala loa e palota i le: www.pasifikavote.org.
- 2 PALOTA-I-LE-MELI.** I Kalefonia, o tagata palota uma ua resitala e otometi ona maua mai a latou pepa palota-i-le-meli. E lafo mai pepa palota iā Oketopa 5. Ina ia siaki po ua lafo mai lau pepa palota, fa'aaogā le auala su'e palota pe fa'afeso'ota'i le ofisa fa'alotoifale o palotaga o le lou itumalo. Lafo lau pepa palota-i-le-meli i se nofoaga tutotonu e ave i ai pe lafo i se pusalami. O pepa palota-i-le-meli e tatau ona iai le fa'ailoga na lafo atu i le aso lea po'o le le'i o'o i le 8:00 i le afiafi o le aso 3 o Novema.

AUALA SU'E PALOTA O LE PALOTA-I-LE-MELI: E mafai ona e su'ea lau palota e va'ai i le aso na lafo ai, aso na maua ai, ma faitauina e ala i lou saina e talosaga i le uepesite o le WheresMyBallot.sos.ca.gov.

- 3 PALOTA OE LAVA.** Afai e te palota oe lava, usu vave e palota e alofia ai laina u'umi! O palotaga muamua e amata i le aso Oketopa 24, ma o le aso mulimuli e mafai ona palota ai o Novema 3. Ina ia iloa le nofoaga e te palota ai ma po'o fea o mafai ona fai ai palota muamua, asiasi i le: sos.ca.gov/elections/polling-place.
- 4 FESILI I SAU UŌ/SE ISI O LOU AIGA NA TE LAFOINA LAU PALOTA PE FAI OE MA UŌ/TAGATA O LE AIGA MO SE ISI.**

FAUTUAGA

☐ LEAI SE MANATU I LE PROP 14

Su'esu'ega i Sela o le Toto

Tu'uina le \$5.5 piliona i pone mo le vaega su'esu'e a le setete mo sela o le toto.

☒ IOE I LE PROP 15

Fa'amuumua A'oga ma Vaipanoa Lotoifale



E tulaga 39 Kalefonia i le atunu'u i le tupe fa'aalu i le tamaitiiti a'oga ma e AUPITO TETELE le fua o vasega nai lo se isi lava setete. O le Prop 15 e toe maua mai ai le aofa'i e o'o atu i le \$12 piliona mo a'oga a le mālo ma polokalama mo vaipanoa lotoifale (pei o fale nofo totogi maualalo, falema'i i vaipanoa, tagata fui mu ma ala o feōa'iga lautele) i le tapunia o nisi avanoa fa'alēiloga o lafoga, ae puipuia tagata e iai o latou lava fale, tagata mau totogi, ma pisinisi laiti. O le 10% pito i luga o kamupani aupito mau'oa o Kalefonia e maua mai ai le 92% o tupe uma o le a fa'aaoga e fa'alelei ai o tatou vaipanoa. Ua o'o i le taimi e tatau ai ona totogi e kamupani mau'oa lo latou vaega talafeagai pei o tatou.

☒ IOE I LE PROP 16

Avanoa mo Tagata Uma



O Kalefonia le isi o setete e 9 ua le toe faia polokalama mo avanoa tutusa. E matuā tatau ona maua avanoa tutusa e i latou o feagai ma le fa'ailoga tagata ona o latou atunu'u, itupā, po'o le tupuga. O tama'ita'i o Atumotu Pasefika o lo'o feagai ma nisi o totogi aupito telē le va i le atunu'u. O le Prop 16 e toe fa'asa'o ai lena faiga e ala i le soloia o le Proposition 209 (pasia i le 1996), e taofia ai le setete mai le taga'i toto'a i le tagatānu'u, itupā, lanu, tupuga, po'o le atunu'u na sau ai pe a iloilo tulaga o galuega faitele, a'oga, po'o ni konekarate. O le lagolagoina o le Prop 16 e fa'aopoopo mai ai nisi avanoa mo ē ua fa'aeseina i totonu o tatou vaipanoa.

FAUTUAGA

☒ IOE I LE PROP 17



Sa'oloto e Palota

E latalata i le 50,000 tagata Kalefonia o lo'o iai nei i luga o le palolo ma o lo'o lafo ma'a mai i o tatou alaalafaga e ala i galuega tatau o lo'o latou galulue ai i taimi nei o le fa'ama'i. O le Prop 17 e toe fa'afai ai le aiā tatau e palota ai i latou ia na fa'asalaina i solitulafono matuiā a ua palolo mai, ina ia 'auai ma aofia i totonu o a tatou faigāmālo ina ua uma ona tuli o latou fa'asalaga.

☒ IOE I LE PROP 18



Āiā Palota o ē ta'i 17 Tausaga

I le fa'agasologa o le talafa'asoloito, ua avea tupulaga talavou ma tapasā o amio tatau i totonu o tatou alaalafaga – ta'ita'ia fa'apopotoga lautele, tu'itu'i i faitoto'a e talanoa i tagata palota, ma tautua i galuega tatau e fesoasoani ai i o latou aiga. O le Prop 18 e fa'ataga ai talavou ua ta'i 17 tausaga ae atoa lo latou 18 tausaga i le taimi o le palotaga e soso'o ai, ina ia palota i taimi o palota tomua ma palota fa'apitoa, ma ua lautele ai le 'au palota ma fa'ato'ateleina ai tagata e aofia i totonu o a tatou faigāmālo.

☐ LEAI SE MANATU I LE PROP 19

Fua a Tagata Fa'atau Fale ma Fanua

Sui le iloiloiga o lafoga tu'uina atu ma tulafono o meatotino maua mai tua'ā

☒ LEAI I LE PROP 20



Fa'asalaina o Tagata Solitulafono Matuiā, Palolo, Aoina o DNA

Ua leva tele ona mafatia tagata lanu o vaipanoa e maulalo tupe maua ona o tu'utu'uga o fa'asalaga mo soligatulafono matuiā. Ua atili tetele lenei tulaga ona o le Prop 20 ua fa'atapula'a ai polokalama palolo mo ē solitulafono e lē vevesi, ma fa'aumi atili le lisi o soligatulafono e lē agava'a ai ē o i falepuipui mo le palolo. E toe fa'avasega e le Prop 20 nisi soligatulafono o lo'o ta'ua nei o solitulafono māmā e avea ma solitulafono matuiā ma fa'amalosia le aoina mai o le DNA o ē ua molia i nisi soligatulafono māmā. O le pasia o le Prop 20 o le a fa'ateleina ai le solitulafono o tagata ma malepelepe ai aiga ae lē o le taumafai e fofō ma toe fa'alelei.

☒ IOE I LE PROP 21



Pulea le Mautotogi

Ua maua tele le tau e mautotogi ai. E silia i le afa o tagata Kalefonia o lo'o mafatia i le nofo mautotogi ma e silia i le 30% o la latou tupe maua e fa'aalu e totogi ai o latou fale. E tele tausaga o galulue tagata faigaluega sulufa'i ma ē fāi mai ina ia atia'e vaipanoa o lo'o nonofo ai, a ua tu'ua fa'amalosia ia vaipanoa na tigaina ai ona o le si'i pea i luga o le tau e mautotogi ai. O le Prop 21 e fa'alauteleina le malosiaga o le mālo fa'alotoifale e fai ni aiga e pulea ai tau o fale mautotogi ua silia i le 15 tausaga le tuai, ae lē fa'atagaina nei aiga e soli le aiā o lē ona le fale e fa'atulaga lana tau ina ia iai sana fa'asiliga talafeagai e maua ai.

☒ LEAI I LE PROP 22



Fa'atulagaga o Tagata Faigaluega Le Tumau

Tatou te lagolagoina aiā tatau o tagata faigaluega. E sui e le Prop 22 le fa'atulagaga o galuega pei o feōa'iga e fa'atonu e fa'aaogā ai ape ma ave ta'avale tiliva e avea ma tagata konekarate tuto'atasi ae lē o ni tagata faigaluega. O le fa'avasegaga lea e mafai ai e kamupani pei o Lyft, Uber ma Doordash ona lē tu'uina atu i ā latou aveta'avale totogi ma penefiti mautinoa mo i latou. O le taumafaiga fo'i lenei e tapunia ai se avanoa e fa'atu ai luni, auā e fa'amalumalu e tulafono a le feterale i le faia o fetu'una'iga o totogi ma tulaga tau galuega mo tagata faigaluega.

☐ LEAI SE MANATU I LE PROP 23

Fa'atulagaga o le Fa'amamāina o Toto

O le Prop 23 e fa'atonuina le iai o se foma'i i le nofoaga o lo'o fa'amamā ai toto ma ia maua le fa'atagaga mai le setete e mafai ai ona tapunia se potu fa'amamā toto. O lo'o lagolagoina lenei taumafaiga e se luni o lo'o fai ma sui o tagata faigaluega tausisoifua malolōina.

☐ LEAI SE MANATU I LE PROP 24

Tulaga Patino o Tagata Fa'atau

E fa'alautele e le Prop 24 mea ua tu'uina i le Tulafono a Kalefonia mo Tulaga Patino o Tagata Fa'atau (CCPA). E tete'e fa'apopotoga a tagata-a-lautele pei o le ACLU o Kalefonia i le taumafaiga lenei.

☒ IOE I LE PROP 25



I'uga Toe Fa'atulaga Tupe Tatala

E fa'aioiga tagata le faiga o tupe tatala i tagata matitiva ma tagata lanu e ala i le fa'atonuina o ē o lo'o fa'atalitali o latou fa'amasinoga e totogi se tupe tatala e gafatia po'o le fa'atali i ni vaiaaso po'o ni masina i le falepuipui. O ē mafai ona totogiina le tupe lea e fa'asaboloto, a'o ē le mafai ona totogi le tupe lea e taofia ma tu'ueseina mai o latou aiga ma tutuli ai ma latou galuega, tusa pe latou te le'i faia le solitulafono. O le Prop 25 e mafai ona sui ai le tupe tatala i le iloiloiga a le fa'amasino o ni tulaga e lamatia ai.